

 An agency under MOSTI	Country	Malaysia
	Publication	myMetro
	Date	16 January 2015
	Website URL	<a href="http://goo.gl/JDSdLM">http://goo.gl/JDSdLM</a>



## Harian Metro raih anugerah CyberSecurity

Kuala Lumpur: Akhbar Harian Metro menerima Anugerah Media Percetakan Yang Paling Menyokong bagi kategori akhbar Media Paling Menyokong CyberSecurity Malaysia 2014 yang diadakan dalam satu majlis penghargaan, di sini, semalam.

Anugerah berkenaan disampaikan Timbalan Menteri Sains Teknologi dan Inovasi Datuk Dr Abu Bakar Mohamad Diah kepada Pengarang Eksekutif (Berita dan Hal Ehwal Semasa) Harian Metro Shariffudin Mohamed.

Pengerusi Ahli Lembaga Pengarah CyberSecurity Malaysia, Jeneral (B) Tan Sri Mohd Azumi Mohammed berkata, ancaman siber yang kian berkembang memerlukan pembabitan semua pihak termasuk kerajaan, penguatkuasaan undang-undang, sektor swasta dan setiap lapisan masyarakat bagi memastikan persekitaran siber yang selamat.

“Usaha CyberSecurity mendekati sektor awam dan swasta bagaimanapun, tidak mungkin tercapai tanpa kerjasama padu daripada industri media di Malaysia.

“Ketepatan informasi juga menjadi semakin mencabar dengan kebangkitan media dalam talian yang membolehkan ia dikongsi orang ramai dalam sekilip mata,” katanya ketika berucap pada majlis berkenaan

Sementara itu, Kumpulan Media Prima Berhad turut dinobatkan menerima Anugerah Syarikat Media Paling Menyokong dan New Straits Times Dalam Talian untuk kategori Media Atas Talian Yang Paling Menyokong.

Bagi Anugerah Media Penyiaran Yang Paling Menyokong pula, dua penerima adalah TV1 RTM bagi kategori penyiaran dan BERNAMA Radio 24 kategori radio.

Dalam pada itu, Computerworld Malaysia turut menerima Anugerah Media Percetakan Paling Menyokong bagi kategori majalah terbitan berkala.



DR Abu Bakar (dua dari kanan) menyerahkan anugerah kepada Shariffudin sambil diperhatikan Mohd Azumi (dua dari kiri), semalam.